

**Kalaallit Nunaanni napparsimasunut katsorsarneqarsinnaanngitsunut paaqutaqar-fimmik (hospice) pisariaqartitsisoqarneranik Naalackersuisut misissueqqullugit peqquneqarnissaannik Inatsisartut aalajangiiffigisassaattut siunnersuut.**  
(Inatsisartunut ilaasortaq Doris Jakobsen, Siumut)

### **Aamma**

**Toqujartortut napparsimmaviannik (hospice) pilersitsiortornissamik Naalackersuisut suliaqaaqqullugit, Inatsisartut aalajangiiffigisassaattut siunnersuut**  
(Inatsisartunut ilaasortat Siverth K. Heilmann aamma Knud Kristiansen, Atassut)

### **Akissuteqaat**

(Peqqissutsimut Naalackersuisoq, Agathe Fontain)

### **Siullermeerneqarnerat**

Ilaasortat Doris Jacobsen, Siverth K. Heilmann kiisalu Knud Kristiansen hospice-imit pisariaqartitsinermik misissueqqissaartoqarnissaa aammalu hospice-mit pilersitsinissaq sulissutigineqarnissaa pillugu siunnersuuteqarnerat Naalackersuisunit qujassutigineqarpoq. Siunnersuuteqartunit innersuussutigineqarpoq toqujartortuni ajornartorsiuteqartoqartarnera, toqulersup napparsimavimmi uninnganerani pilersartumik, tassanimi sinaakkutissat tamatigut toqulersumi taassumalu qanigisaani pisariaqartitsinernik tamatigut naammassineqartanngimmata.

Napparsimasunut sapinngisamik pitsaanerpaanik sinaakkutissanik pilersitseqataanissartik Naalackersuisut annertuumik kissaatigaat. Soorlu siunnersuutini takuneqarsinnaasut hospice tassaavoq inuunerup naalernerani ullup unnuallu akunnerini 24-ini tamani toqujartortumut qanigisaasunullu nakkutiginninnermik paaqqutarinninnermillu ingerlatsiviusinnaasoq.

“Kræfti pillugu nassuiaat 2011” suliarineqarsimavoq, tassani allassimavoq maannakkuugallartoq kalaallit peqqinnissaqarfianni anniaatinik/ippigisanillu annikillisaaniarluni suliniarnernut aalajangersimasunik maleruagassaqaanngitsaq. Oqaatigineqassaaq sumiiffimmiit sumiiffimmut periarfissat assigiinngitsuummata, taamaattumillu unammillernartuusinnaalluni kikkut tamarmik pisariaqartitaannik naammassinninnissamut. Maannakut “Kræfteqartarneq pillugu pilersaarut 2013” suliarineqaleruttorpoq, tassani kræftimik nappaatilinnut anniaatinik/ippigisanillu suliniarnermut pilersaarut ilaassalluni. Pingaartuuvorli eqqumaffigissallugu hospice tassaamat sumiiffik toqujartortunut tamanut atuuttoq.

Naalackersuisunit eqqumaffigineqarpoq toqujartortut qanigisaasullu assigiinngiaartunik paarineqarnissamik pisariaqartitsisinaanerat, timikkut, tarnikkut, anersaakkut inuuniarnikkullu isikkulinnik, isumaginiassannik pingaarutillit.

Naalakkersuisunit ajornartorsiutaasut arlallit takuneqarsinnaapput, tassaasut nuna tamakkerlugu hospice-mik ataatsimik pilersitsinissami, soorlu imm. 72-imi nalunaarneqarsimasutut. Tamatuma ilaatigut kingunerisinnaavaa, toqjartortut ilaasa qaniginerpaasatik qimattariaqartassagaat, tamannalu innuttaasunut qaninnerunissamut atatillugu naligiinnginnermik pilersitsinnaalluni. Naalakkersuisunit pingaartutut isigineqarpoq, toqjartortut allattut iliortoqarnissaanik pisoqarsimatinnagu, avatangiisiminni sungiusimasaminniiginnarnissaat sapinngisamillu annertunerpaamik inuunerup naajartornerani qaninnerpaamik ilaquttaminnik ilaqarnissamut periarfissaqartuaannarnissaat. Ullumikkut Peqqinnissaqarfimmit napparsimasorujussuit toqungajalersullu napparsimavimmi uninnissamut neqeroorfigineqartarput, soorluttaaq sapinngisamik annertunerpaamik qanoq piartornerit aaqqissuunniarneqartarput taamaasilluni qanigisaasut اساسamik eqqaanniissinnaaqullugit. Tamatuma saniatigut Peqqinnissaqarfimmi sulisut piginnaasaat ingerlaavartumik annertusarneqartuarterput toqjartortunut nakkutiginninnissaat paaqqtarinninnissallu isumagineqarsinnaasunngortinniarlugu.

Kalaallit Nunaanni hospice-mik ataatsimik pilersitsineq periusissaanersoq eqqortoq isummerfigisinnaajumallugu pingaaruteqarpoq peqqissaartumik misissueqqissaartoqarnissaa pisariaqartitsinerit, periarfissallu qulaajassallugit kommuniniittut aamma peqqinnissaqarfiup illuutigisaanniittut aaqqissuussaaneriniittullu, najukkani aaqqiisinnaanernut periarfissani, aningaasaqarniarnikkut kingunerisinnaasai pisariaqartitsinernilu eqqarsaatigalugit.

Toqjartortunut hospice-mik pilersitsinissamik sulineq aallartissinnaajumallugu Naalakkersuisut pisariaqartumik aalajangiinissamut tunngavissaqanngimmata immikkoortoq 72 itigartinneqassasoq Naalakkersuisut inassutigaa.

Immikkoortunut 60 aamma 72-imut allannguutissatut siunnersuummik tulliuttumik Naalakkersuisut siunnersuuteqarput: *”Naalakkersuisut peqquneqassapput hospice-mik imalunniit hospice-mik assingusumik neqerooruteqarnissamut pisariaqartitsinerup misissoqqissaarnissaanik pilersaarummillu UPA 2014-mi saqqummiussillutik Kalaallit Nunaanni toqjartortunut nakkutiginninnissamik aamma paaqqtarinnittarnissamik neqeroorutitik qanoq iliorluta aaqqissuussissanersugut”*